

摘藻堂四庫全書薈要

集部

欽定四庫全書
菴要卷一萬七千八百十五
集部

御定全唐詩卷四百十

元稹

獨遊

遠地難逢侶
閒人且獨行
上山隨老鶴
接酒待殘鶯
花當西施面
泉勝衛玠清
鶻鵲滿春野
無限好同聲

洞庭湖

人生除泛海
便到洞庭波
駕浪沉西日
吞空接曙河
虞

巡竟安在軒樂詎曾過唯有君山下狂風萬古多

雪天

故鄉千里夢往事萬重悲小雪沉陰夜閨窻老病時獨
聞歸去鴈偏詠別來詩慚媿紅妝女頻驚兩鬢絲

贈熊士登

平生本多思况復老逢春今日梅花下他鄉值故人

別嶺南熊判官

十年常遠道不忍別離聲况復三巴外仍逢萬里行桐

花新雨氣梨葉晚春晴到海知何日風波從此生

水上寄樂天

眼前明月水先入漢江流漢水流江海西江過庾樓庾樓今夜月君豈在樓頭萬一樓頭望還應望我愁

夏陽亭臨望寄河陽侍御堯

望遠音書絕臨川意緒長殷勤眼前水千里到河陽

日高睡

隔是身如夢頻來不為名憐君近南住時得到山行

輞川

世累為身累，閒忙不自由。
殷勤輞川水，何事出山流。

天壇歸

為結區中累，因辭洞裏花。
還來舊城郭，煙火萬人家。

雨後

倦寢數殘更，孤燈暗又明。
竹梢餘雨重，時復拂簾驚。

晴日

多病苦虛羸，晴明強展眉。
讀書心緒少，閒卧日長時。

直臺

麋入神羊隊，烏驚海鷺眠。仍教百餘日，迎送直廳前。

行宮

一作王
建詩

寥落古行宮，宮花寂寞紅。白頭宮女在，閒坐說玄宗。

醉行

秋風方索漠，霜貌足睽攜。今日騎驄馬，街中醉蹋泥。

指巡胡

遣悶多憑酒，公心只仰胡。挺身唯直指，無意獨欺愚。

飲新酒

聞君新酒熟，况值菊花秋。莫怪平生志，圖銷盡日愁。

香球

順俗唯團轉，居中莫動搖。愛君心不惻，猶訝火長燒。

景申秋八首

年年秋意緒，多向雨中生。漸欲煙火近，稍憐衣服輕。詠
詩閒處立，憶事夜深行。濩落尋常慣，淒涼別為情。

蚊幌雨來卷，燭蛾燈上稀。啼兒冷秋簟，思婦問寒衣。簾

斷螢火入窗明蝙蝠飛良辰日夜去漸與壯心違
嗚嗚簷雷凝丁丁窗雨繁枕傾筒簟滑幔飈案燈翻喚
魘兒難覺吟詩婢苦煩強眠終不著閑卧暗消魂
瓶瀉高簷雨窗來激箭風病憎燈火暗寒覺薄幃空婢
報樵蘇竭妻愁院落通老夫慵計數教想蔡城東

風頭難著枕病眼厭看書無酒銷長夜回燈照小餘三
元推廢王九曜入乘除廊廟應多算參差幹太虛

經雨籬落壞入秋田地荒竹垂哀折節蓮敗惜空房小

片慈菇白低叢柚子黃眼前撩亂輩無不是同鄉

雨柳枝枝弱風光片片斜蜻蜒憐曉露蛺蝶戀秋花飢

啁空籬雀寒棲滿樹鴉荒涼池館內不似有人家

病苦十年後連陰十日餘人方教作鼠天豈遣為魚鮫

綻鄂城劍蟲凋鬼火書出聞泥濘盡何地不推車

遣行十首

慘切風雨夕

集作多

沉吟離別情燕辭前日社蟬是每年

聲暗淚深相感危心亦自驚不知元不識俱作路人行

十五年前事恓惶無限情
病僮更借出羸馬共馳聲射
葉揚纔破聞弓鴈已驚
小年辛苦學求得苦辛行

徙倚簷宇下思量去住情
暗螢穿竹見斜雨隔窗聲就
枕回轉數聞雞撩亂驚
一家同草草排比送君行

已愴朋交別復懷兒女情
相兄亦相舊同病又同聲白
髮年年剩秋蓬處處驚
不堪身漸老頻送異鄉行

塞上風雨思城中兄弟情
北隨鷓立位南送鴈來聲遇
適尤兼恨聞書喜復驚
唯應送料得知我伴君行

暮欲歌吹樂暗衝泥水情稻花秋雨氣江石夜灘聲犬
吠穿籬出鷗眠起水驚愁君明月夜獨自入山行

七過襄城驛回回各為情八年身世夢一種水風聲尋
覓詩章在思量歲月驚更悲西塞別終夜繞池行

襄縣驛前境曲江池上情南堤衰柳意西寺晚鐘聲雲
水興方遠風波心已驚可憐皆老大不得自由行

見說巴風俗都無漢性情猿聲蘆管調羌笛竹雞聲迎
候人應少平安火莫驚每逢危棧處須作貫魚行

聞道陰平郡，脩然古戍情。
橋魚麋鹿蹋，山應鼓鼙聲。
羗婦梳頭緊，蕃牛護尾驚。
憐君閒悶極，只傍白江行。

生春二十首

丁酉歲凡
二十章

何處生春早春生，雲色中籠蔥閭著水。
掩淡欲隨風度，曉分霞態餘光庇。
雪融晚來低漠漠，渾欲泥幽叢。

何處生春早春生，漫雪中渾無到地片。
唯逐入樓風屋上，此此薄池心旋旋融。
自悲銷散盡誰假，入蘭叢。

何處生春早春生，霽色中遠林橫返照。
高樹亞東風水

凍霜威庇泥新地氣融漸知殘雪薄抄近最憐叢

何處生春早春生曙火中星圍分暗陌煙氣滿晴風宮
樹棲鷓亂城樓帶雪融競排閭闔側珂傘自相叢

何處生春早春生曉禁中殿階龍旆日漏閣寶箏風藥
樹香煙重天顏瑞氣融柳梅渾未覺青紫已叢叢

何處生春早春生江路中雨移臨浦市晴候過湖風蘆
筍錐猶短凌澌玉漸融數宗船載足高婦兩眉叢

何處生春早春生野墅中病翁閒向日征婦嬾成風斫

簑天雖暖穿區凍未融
鞭牛縣門外爭土蓋蠶叢
何處生春早春生冰岸中
尚憐扶臘雪漸覺受東風
織女雲橋斷波神玉貌
融便成嗚咽去流恨與蓮叢

何處生春早春生柳眼中
芽新纔綻日草短未含風
綠誤眉心重黃驚蠟淚融
碧條殊未合愁緒已先叢

何處生春早春生梅援中
藥排難犯雪香乞音擬來風

隴迴羌聲怨江遙客思融
年年最相惱緣未有諸叢

何處生春早春生鳥思中
鵲巢移舊歲戴羽旋高風
鴻

鴈驚沙暖鴛鴦愛水融
最憐雙翡翠飛入小梅叢

何處生春早春生池榭中
鏤瓊水陷日文穀水迴風柳
愛和身動梅愁合樹融
草芽猶未出挑得小萱叢

何處生春早春生稚戲中
亂騎殘爆竹爭唾小旋風罵
雨愁妨走呵冰喜旋融
女兒針線盡偷學五辛叢

何處生春早春生人意中
曉妝雖近火晴戲漸憐
風暗入心情懶先添酒思融
預知花好惡偏在最深叢

何處生春早春生半睡中
見燈如見霧聞雨似聞風
開

眼猶殘夢擡身便恐融却成雙翅蝶還繞庫花叢

一本
傍人

驚屢壓魂
逐牡丹叢

何處生春早春生曉鏡中手寒勻面粉鬢動倚簾風宿
霧梅心滴朝光幕上融思牽梳洗嬾空拔綠絲叢

何處生春早春生綺戶中玉櫳穿細日羅幔張上輕風

柳軟腰支嫩梅香密氣融獨眠傍妬物偷鏟合歡叢

何處生春早春生老病中土膏蒸足腫天暖癢頭風似
覺肌膚展潛知血氣融又添新一歲衰白轉成叢

何處生春早春生客思中
旅魂驚北鴈鄉信是東風
縱有心灰動無由鬢雪融
未知開眼日空繞未開叢

何處生春早春生濛雨中
裊塵微有氣拂面細如風
柳誤啼珠密梅驚粉汗融
滿空愁淡淡應豫憶芳叢

嘉陵水

爾是無心水東流有恨無
我心無說處也共爾何殊

漫天嶺贈僧

五上兩漫天因師懺業緣
漫天無盡日浮世有窮年

百牢關

天上無窮路生期七十間那堪九年內五度百牢關

二月十九日酬王十八全素

此後有酬和
並次用本韻

君念世上川嗟予老瘡天那堪十日內又長白頭年

滎陽鄭公以稹寓居嚴茅有池塘之勝寄詩四

首因有意獻

激射分流濶灣環此地多暫停隨梗浪猶閱敗霜荷恨
阻還江勢思深到海波自傷才畎澮其奈贈珠何

酬樂天寄蘄州簾

蘄簾未經春君先拭翠筠知為熱時物預與瘴中人
碾玉連心潤編牙小片珍霜凝青汗簡水透碧游鱗
水魄輕涵黛琉璃薄帶塵夢成傷冷滑驚卧老龍身

酬李浙西先因從事見寄之作

近日金鑿直親於漢珥貂內人傳帝命丞相讓吾僚
浙郡懸旌遠長安諭日遥因君藥珠贈還一夢煙霄

酬周從事望海亭見寄

年老無流輩行稀足辟蘿執時憐水近高處見山多衣
袖長堪舞喉嚨轉解歌不辭狂復醉人世有風波

代抗民答樂天

翠幕籠斜日朱衣儼別筵管絃淒欲罷城郭望依然路
溢新城市農閑舊廢田春坊幸無事何惜借三年

御定全唐詩卷四百十

欽定四庫全書薈要卷一萬七千八百十六

集部

御定全唐詩卷四百十一

元稹

杏園

此後並校書
郎已前詩

浩浩長安車馬塵狂風吹送每年春
門前本是虛空一作
虛界何事栽花誤世人

菊花

秋叢繞舍似陶家
遍繞籬邊日漸斜
不是花中偏愛菊

此花開盡更無花

酬哥舒大少府寄同年科第

前年科第偏年少未解知羞最愛狂
九陌爭馳好鞍馬

八人同著綵衣裳

同年科第宏詞呂二炅王十一起拔萃
白二十二居易平判李十一復禮呂

四頻哥舒大頻崔十八玄
亮逮不肖八人皆奉榮養

自言行樂朝朝是豈料浮生

漸漸忙賴得官閒且疎散到君花下憶諸郎

幽棲

野人自愛幽棲所近對長松遠是山
盡日望雲心不繫

有時看月夜方閒
壺中天地乾坤外
夢裏身名旦暮間
遼海若思千歲鶴
且留城市會飛還

清都春霽寄胡三吳十一

築珠宮殿經微雨
草樹無塵耀眼光
白日當空天氣暖
好風飄樹柳陰涼
蜂憐宿露攢芳久
燕得新泥拂戶忙
時節催年春不住
武陵花謝憶諸郎

華嶽寺

貞元二十年正月二十五日自洛之京
二月三日春社至華嶽寺憇實師院曾

未逾月又復徂東再謁
實師因題四韻而已

山前古寺臨長道來往淹留為愛山雙燕營巢始西別
百花成子又東還暝驅羸馬頻看堠曉聽鳴雞欲度關
羞見竇師無外役竹窗依舊老身閒

天壇上境

貞元二十年五月十四日夜宿天壇
石幢側十五日得藍屋馬逢少府書

知予遠上天壇因以長句見贈篇末仍
云靈溪試為訪金丹因於壇上還贈

野人性僻窮深僻芸署官閒不似官萬里洞中朝玉帝
上有洞九光霞外宿天壇洪漣浩渺東溟曙白日低回
周萬里上境寒因為南昌檢仙籍馬君家世奉還丹

尋西明寺僧不在

春來日日到西林
飛錫經行不可尋
蓮池舊是無波水
莫逐狂風起浪心

與吳侍御春遊

蒼龍闕下陪驄馬
紫閣峰頭見白雲
滿眼流光隨日度
今朝花落更紛紛

晚春

晝靜簾疎燕語頻
雙雙鬪雀動階塵
柴扉日暮隨風掩

落盡閒花不見人

先醉

今日樽前敗飲名三柸未盡不能傾怪來花下長先醉
半是春風蕩酒情

獨醉

一樹芳菲也當春漫隨車馬擁行塵桃花解笑鶯能語
自醉自眠那藉人

宿醉

風引春心不自由等閒衝席飲多籌朝來始向花前覺
度却醒時一夜愁

懼醉

答盧
子蒙

聞道秋來怯夜寒不辭泥水為柶盤殷勤懼醉有深意
愁到醒時燈火闌

羨醉

綺陌高樓競醉眠共期顛顛不相憐也應自有尋春日
虛度而今正少年

憶醉

自歎旅人行意速，每嫌杯酒緩歸期。今朝偏遇一作醒時，別淚落風前。憶醉時。

病醉

戲作吳吟贈盧十九經濟
張三十四弘辛丈丘度

醉伴見儂因病酒，道儂無酒不相窺。那知下藥還沽底，人去人來剩一卮。

擬醉

與盧子蒙飲於賓晦之醉後賦詩共十九首
子蒙叙為別卷自此至狂醉皆是夕所

賦

九月閒宵初向火一尊清酒始行拈憐君城外遙相憶
冒雨衝泥黑地來

勸醉

寶家能釀銷愁酒但是愁人便與銷願我共君俱寂寞
只應連夜復連朝

任醉

本怕酒醒渾不飲因君相勸覺情來殷勤滿酌從聽醉
乍可欲醒還一拈

同醉

呂子元度及之杜歸
和同隱客泛韋氏池

柏樹臺中推事人
杏花壇上鍊形真
心源一種閒如水

同醉櫻桃林

一作樹

下春

狂醉

一自柏臺為御史
二年辜負兩京春
峴亭今日顛狂醉
舞引紅娘亂打人

伴僧行

春來求事百無成
因向愁中識道情
花滿杏園千萬樹

幾人能伴老僧行

古寺

古寺春餘日半斜
竹風蕭爽勝人家
花時不到有花院
意在尋僧不在花

定僧

落魄閒行不著家
徧尋春寺賞年華
野一作禪僧偶向花
前定滿樹狂風滿樹花

觀心處

滿坐喧喧笑語頻，獨憐方丈了無塵。
燈前便是觀心處，要似觀心有幾人。

智度師二首

四十年前馬上飛，功名藏盡擁禪衣。
石榴園下擒生處，獨自閒行獨自歸。

三陷思明三突圍，鐵衣拋盡衲禪衣。
天津橋上無人識，閑凭欄干望落暉。

西明寺牡丹

花向琉璃地上生
光風炫轉紫雲英
自從天女盤中見
直至今朝眼更明

憶楊十二

去時芍藥纔堪贈
看却殘花已度春
只為情深偏愴別
等閒相見莫相親

送復夢赴常令幕

世上於今重檢身
吾徒耽酒作狂人
西曹舊事多持法

慎一作切莫吐他丞相茵

送劉太白

太白居
從善坊

洛陽大底居人少從善坊西最寂寥想得

一作到

劉君獨

騎馬古堤愁

一作秋

樹隔中橋

奉誠園

馬司徒
舊宅

蕭相深誠奉至尊舊居求作奉誠園秋來古巷無人掃
樹滿空牆閉戟門

與太白同之東洛至櫟陽太白染疾駐行予九
月二十五日至華嶽寺雪後望山

共作洛陽千里伴老劉因疾駐行軒今朝獨自山前立
雪滿三峰倚寺門

野狐泉柳林

去日野狐泉上柳紫牙初綻拂眉低秋來寥落驚風雨
葉滿空林踏作泥

酬胡三憑人問牡丹

竊見胡三問牡丹為言依舊滿西欄花時何處偏相憶
寥落衰紅雨後看

酬樂天秋興見贈本句云莫怪獨吟秋興苦此
君校近二毛年

勸君休作悲秋賦白髮如星也任垂畢竟百年同是夢
長年何異少何為

御定全唐詩卷四百十一

欽定四庫全書
藝文四庫全書
詩部
卷一百一十七
集部

御定全唐詩卷四百十二

元稹

雪後宿同軌店上法護寺鐘樓望月

滿山殘雪滿山風
野寺無門院院空
煙火漸稀孤店靜
月明深夜古樓中

陪韋尚書丈歸履信宅因贈韋氏兄弟

紫垣騶騎入華居
公子文衣護錦輿
眠閣書生復何事

也騎羸馬從尚書

永貞二年正月二日上御丹鳳樓赦天下予與
李公垂庾順之閑行曲江不及盛觀

春來饒夢慵朝起不看千官擁御樓却著閒行是忙事
數人同傍曲江頭

韋居守晚歲常言退休之志因署其居曰大隱
洞命予賦詩因贈絕句

謝公潛有東山意已向朱門啟洞門大隱猶疑戀朝市

不如名作罷歸園

贈李十二牡丹花片因以餞行

鶯澁餘聲絮墮風牡丹花盡葉成叢
可憐顏色經年別收取朱闌一片紅

題李十一修行一作竹里居壁

雲闕朝迴塵騎合杏花春盡曲江閒
憐君雖在城中住不隔人家便是山

靖安窮居

喧靜不由居遠近大都車馬就權門野人住處無名利
草滿空階樹滿園

贈樂天

等閒相見銷長日也有閒時更學琴不是眼前無外物
不關心事不經心

使東川

并序 此後
並御史時作

元和四年三月七日子以監察御史使東川往來
鞍馬間賦詩凡三十二章秘書省校書郎白行簡

為予手寫為東川卷今所錄者但七言絕句長句
耳起駱口驛盡望驛臺二十二首云

駱口驛二首

東壁上有李二十員外逢吉崔
二十二侍御韶使雲南題名處

北壁有翰林白二十二居易題擁石闕云開
雪紅樹等篇有王質夫和馬王不知是何人
也

郵亭壁上數行字崔李題名王白詩盡日無人共言語
不離牆下至行時

二星徼外通蠻服五夜燈前草御文我到東川恰相半

向南看月北看雲

清明日

行至漢上憶與樂天知退
杓直拒非順之輩同遊

常年寒食好風輕觸處相隨取次行今日清明漢江上
一身騎馬縣官迎

亞枝紅

往歲與樂天曾於郭家亭子竹林中
見亞枝紅桃花半在池水自後數年

不復記得忽於襄城驛池岸竹
間見之宛如舊物深所愴然

平陽池上亞枝紅悵望山郵事事同還向萬竿

一作深

竹裏一枝渾卧碧流中

梁州夢

是夜宿漢川驛夢與杓直樂天同遊
曲江兼入慈恩寺諸院倏然而寤則

遮乘及階郵吏
已傳呼報曉矣

夢君同繞

一作兄弟

曲江頭也向慈恩院院遊
亭吏呼人排

去馬

一作喚人
排馬去

忽驚身在古梁州

南秦雪

帝城寒盡臨寒食
駱谷春深未有春
纔見嶺頭雲似蓋

已驚巖下雪如塵
千峰筍石千株

一作條

玉萬樹松蘿萬

朶銀飛鳥不飛猿
不動青驄御史上南秦

江樓月

嘉川驛望月憶杓直樂天知退拒非
順之數賢居近曲江閒夜多同步月

嘉陵江岸驛樓中江在樓前月在空
月色滿牀魚滿地
江聲如鼓復如風誠知遠近皆三五
但恐陰晴有異同
萬一帝鄉還潔白一作皎潔幾人潛傍杏園東

慙問囚

蜀門夜行憶與順之在司
馬鍊師壇上話出處時

司馬子微壇上頭與君深結白雲儔
尚平邨落擬連買
王屋山泉為別遊各待陸渾求一尉
共資三徑便同休
那知今日蜀門路帶月夜行緣問囚

江上行

悶見漢江流不息悠悠漫漫竟何成
江流不語意相問
何事遠來江上行

漢江上

一無笛上字

二月十五日夜於西縣白馬驛南樓聞笛悵然憶得小年

曾與從兄長楚寫漢江聞笛賦而有愴耳

小年為寫遊梁賦最說漢江聞笛愁今夜聽時在何處
月明西縣驛南樓

郵亭月

於駱口驛見崔二十二題名處數夜後於青山驛玩月憶得崔生好持確

論每於宵話之中常曰人生晝務夜安步月
閒行吾不與也言訖堅卧他人雖千百其詞
難動搖矣至是愴
然思此題因有獻

君多務實我多情大抵偏嗔步月明今夜山郵與蠻嶂
君應堅卧我還行

嘉陵驛二首

篇末
有懷

嘉陵驛上空牀客一夜嘉陵江水聲仍對牆南滿山樹
野花撩亂月朧明

牆外花枝壓短牆月明還照半張牀無人會得此時意

一夜獨眠西畔廊

百牢關

奉使推小吏任敬仲

嘉陵江上萬重山
何事臨江一破顏
自笑只緣任敬仲
等閒身度百牢關

江花落

日暮嘉陵江水東
梨花萬片逐江風
江花何處最腸斷
半落江流半在空中

嘉陵江二首

秦人惟識秦中水長想吳江與蜀江今日嘉川驛樓下
可憐如練繞明窗

千里嘉陵江水聲何年重繞此江行只應添得清宵夢

時見滿江流

一作秋

月明

西縣驛

去時樓上清明夜月照樓前撩亂花今日成陰復成子
可憐春盡未還家

望喜驛

滿眼文書堆案邊
眼昏偷得暫時眠
子規驚覺燈又滅
一道月光橫枕前

好時節

身騎驄馬峨眉下
面帶霜威卓氏前
虛度東川好時節
酒樓元被蜀兒眠

夜深行

夜深猶自繞江行
震地江聲似鼓聲
漸見戍樓疑近驛
百牢關吏火前迎

望驛臺

三月
盡

可憐三月三旬足
悵望江邊望驛臺
料得孟光今日語
不曾春盡不歸來

贈咸陽少府蕭郎

莫怪逢君淚每盈
仲由多感有深情
陸家幼女託良壻
阮氏諸房無外生
顧我自傷為弟拙
念渠能繼事姑名
別時何處最腸斷
日暮渭陽驅馬行

贈呂三校書

與呂校書同年科第後為別七年
元和己丑歲八月偶於陶化坊會

宿

同年同拜校書郎觸處潛行爛熳狂
共占花園爭趙辟
競添錢貫定秋娘
七年浮世皆經眼
八月閒宵忽竝牀
語到欲明歡又泣
傍人相笑兩相傷

封書

鶴臺南望白雲闕
城市猶存暫一還
書出步虛三百韻
藥珠文字在人間

仁風李著作園醉後寄李十

朧明春月照花枝花下音

一作鶯

聲是

一作似

管兒却笑西

京李員外五更騎馬趨朝時

燈影

洛陽晝夜無車馬滿挂紅紗滿樹頭見說平時燈影裏
玄宗潛伴太真游

貶江陵途中寄樂天杓直杓直以員外郎判鹽

鐵樂天以拾遺在翰林

此後竝江陵士曹時
詩李建字杓直

想到江陵無一事酒杯書卷綴新文紫芽嫩茗和枝采

朱橘香苞數瓣分
暇日上山狂逐鹿
凌晨過寺飽看雲
算緡草詔終須解
不敢將心遠羨君

渡漢江

去年春奉使東川經潘冢山下

潘冢去年尋漾水
襄陽今日渡江濱
山遙遠樹纔成點
浦靜沈碑欲辨文
萬里朝宗誠可羨
百川流入渺難分
鯢鯨歸穴東溟溢
又作波濤隨伍員

哀病驄呈致用

櫪上病驄啼裊裊
江邊廢宅路迢迢
自經梅雨長垂耳

乍食菰蔣欲折腰金絡頭銜光未滅玉花衫色瘦來焦
曾聽禁漏驚衙鼓慣蹋康衢怕小橋半夜雄嘶心不死
日高飢卧尾還搖龍媒薄地天池遠何事牽牛在碧霄

送嶺南崔侍御

我是北人長北望每嗟南雁更南飛君今又作嶺南別
南雁北歸君未歸洞主參承驚多角島夷安集慕霜威
黃家賊用鑕刀利白水郎行旱地稀蜃吐朝光樓隱隱
鼇吹細浪雨霏霏毒龍虵骨轟雷鼓野象埋牙斲石磯

火布垢塵須火浣木綿溫軟當綿衣
枕椰麪磔檳榔澀海氣常昏海日微
蛟老變為妖婦女舶來多賣假珠璣
此中無限相憂事請為殷勤事事依

酬樂天八月十五夜禁中獨直玩月見寄


一年秋半月偏深況就煙霄極賞心
金鳳臺前波漾漾玉鉤簾下影沈沈
宴移明處清蘭路歌待新詞促翰林
何意枚臯正承詔瞥然塵念到江陰

子病瘴樂天寄通中散碧腴垂雲膏仍題四韻

以慰遠懷開坼之間因有酬答

紫河變鍊紅霞散翠液煎研碧玉英金籍真人天上合
鹽車病驥軛前驚愁腸欲轉蛟龍吼醉眼初開日月明
唯有思君治不得膏銷雪盡意還生

御定全唐詩卷四百十二



總校官庶吉士臣張能照

校對官庶吉士臣何思鈞

騰錄監生臣許祖懷

欽定四庫全書薈要

集部

御定全唐詩卷四百十九

三至九

詳校官候補通政司經歷郭祚熾

欽定四庫全書薈要卷一萬七千八百十八

集部

御定全唐詩卷四百十三

元稹

陪諸公游故江西韋大夫通德湖舊居有感題
四韻兼呈李六侍御即韋大夫舊寮也

高墉行馬接通湖巨壑藏舟感大夫塵壁暗埋悲
舊扎風簾吹斷落殘珠煙波漾日侵隕岸狐兔奔
叢拂坐隅唯有滿園桃李下膺門偏拜阮元瑜



送友封二首

黔府賓峯
字友封

桃葉成陰燕引雛
南風吹浪颭檣烏
瘴雲拂地黃梅雨
明月滿帆青草湖
迢遞旅魂歸去遠
顛狂酒興病來孤
知君兄弟憐詩句
徧為姑將惱大巫

惠和坊裏當時別
豈料江陵送上船
鵬翼張風期萬里
馬頭無角已三年
甘將泥尾隨龜後
尚有雲心在鶴前
若見中丞忽相問
為言腰折氣衝天

放言五首

近來逢酒便高歌醉舞詩狂漸欲魔
五斗解醒猶恨少十分飛盞未嫌多
眼前讐敵都休問身外功名一任他
死是等閒生也得擬將何事奈吾何

莫將心事厭長沙雲到何方不是家
酒熟鋪糟學漁父飯來開口似神鴟
竹枝待鳳千莖直柳樹迎風一向斜
總被天公霑雨露等頭成長盡生涯

霆轟電熒數聲頻不奈狂夫不藉身
縱使被雷燒作燼寧殊埋骨颺為塵
得成蝴蝶尋花樹儻化江魚掉錦鱗

必若乖龍在諸處何須驚

一作警

動自來人

安得心源處處安何勞終日望林巒玉英惟向火中冷
蓮葉元來水上乾甯戚飯牛圖底事陸通歌鳳也無端
孫登不語啓期樂各自當情各自歡

三十年來世上行也曾狂走趁浮名兩迴左降須知命
數度登朝何處榮乞我杯中松葉滿遮渠肘上柳枝生
他時定葬燒缸地賣與人家得酒盛

劉二十八以文石枕見贈仍題絕句以將厚意

因持壁州鞭酬謝魚廣為四韻

枕截文瓊珠綴篇野人酬贈壁州鞭用長時節君須策
泥醉風雲我要眠歌眇彩霞臨藥竈執陪仙仗引爐煙
張騫却上知何日隨會歸期在此年

奉和嚴司空重陽日同崔常侍崔郎中及諸公
登龍山落帽臺佳宴

謝公愁思眇天涯蠟屐登高為菊花貴重近臣光綺席
笑憐從事落烏紗萸房暗綻紅珠朶茗椀寒供白露芽

詠碎龍山歸去號馬奔流電妓奔車

送王十一郎游剡中

越州都在浙河灣
塵土消沈景象閒
百里油盆鏡湖水
千峰鈿朶會稽山
軍城樓閣隨高下
禹廟煙霞自往還
想得玉郎一作王郎乘畫舸
幾回明月墜雲間

送友封

輕風略略柳欣欣
晴色空濛遠似塵
斗柄未回猶帶閨
江痕潛上已生春
蘭成宅裏尋枯樹
宋玉亭前別故人

心斷洛陽三兩處窈娘堤抱古天津

送致用

淚霑雙袖血成文不為悲身為別君望鶴眼穿期海外
待烏頭白老江濱遙看逆浪愁翻雪漸失征帆錯認雲
欲識九迴腸斷處潯陽流水逐一作條分

早春登龍山靜勝寺時非休澣司空特許是行
因贈幕中諸公

謝傅知憐景氣新許尋高寺望江春龍文遠水吞平岸

羊角輕風旋細塵
山茗粉含鷹背嫩
海榴紅綻錦窠勻
歸來笑問諸從事
占得閒行有幾人

書樂天紙

金鑿殿裏書殘紙
乞與荊州元判司
不忍拈將等閒用
半封京信半題詩

酬孝

一作李

甫見贈十首

各酬本意
次用舊韻

宋玉秋來

一作悲秋

續楚詞
陰鏗官漫足
閒詩親情書札相

安慰多道蕭何作判司

杜甫天材頗絕倫，每尋詩卷似情親。
憐渠直道當時語，不著心源傍古人。

十歲荒狂任博徒，按莎五木擲臬盧。
野詩良輔偏憐一作假長借金鞍，迺酒胡於

曾經綽立侍丹墀，綻藥宮花拂面枝。
雉尾扇開朝日出，柘黃衫對碧霄垂。

一自低心翰墨場，箭韞拋盡負書囊。
近來兼愛休糧藥

柏葉紗一作羅雜豆黃

莫笑風塵滿病顏
此生元在有無間
卷舒蓮葉終難濕
去住雲心一種閒

無事拋棊侵虎口
幾時開眼復聯行
終須殺盡緣邊敵

四面通同

一作流

掩大荒

原憲甘貧每自開
子春傷足少人哀
巷南唯有陳居士
時學文殊一問來

每識閒人如未識
與君相識更相憐
經旬不解來過宿
忍見空牀夜夜眠

開坼新詩展大瓊明珠炫轉玉音浮酬君十首三更坐
減却常一作當時半夜愁

和樂天招錢蔚章看山絕句

碧落招遙間曠望黃金城外玉方壺人間還有大江海
萬里煙波天上無

折枝花贈行

櫻桃花下送君時一寸春心逐折枝別後相思最多處
千株萬片繞林垂

寄劉頗二首

平生嗜酒顛狂甚不許諸公占丈夫
唯愛劉君一片膽
近來還敢似人無

前年碣石煙塵起共看官軍過洛城
無限公卿因戰得
與君依舊綠衫行

晨起送使病不行因過王十一館居二首

自笑今朝誤夙興
逢他御史瘡相仍
過君未起房門掩
深映寒窗一盞燈

密宇深房小火爐
飯香魚熟近中廚
野人愛靜仍耽寢
自問黃昏官去無

送孫勝

桐花暗澹柳惺惚
池帶輕波柳帶風
今日與君臨水別
可憐春盡宋亭中

遊三寺回呈上府主嚴司空時因尋寺道出當
陽縣奉命覆視縣囚牽於游行一作行不暇詳究

故以詩自誚爾

謝公恣縱顛狂掬觸處閒行許自由舉板支頤對山色
當筵吹帽落臺頭貪緣稽首他方佛無暇精心滿縣囚
莫責尋常吐茵吏書囊赤白報君侯

遠望

滿眼傷心冬景和一山紅樹寺邊多仲宣無限思鄉淚
漳水東流碧玉波

早春尋李校書

款款春風澹澹雲柳枝低作翠櫳君含雞舌魚紅氣

江弄瓊花散綠紋帶霧山鶯啼尚小一作少穿沙蘆筍葉
纔分今朝何事偏相覓撩亂芳情最是君

過襄陽樓呈上府主嚴司空樓在江陵節度使
宅北隅

襄陽樓下樹陰成荷葉如錢水面平拂水柳花千萬點
隔林鶯舌兩三聲有時水畔看雲立每日樓前信馬行
早晚暫教王粲上庾公應待月分明

八月六日與僧如展前松滋主簿韋戴同游碧

澗寺賦得扉字韻寺臨蜀江內有碧澗穿注兩
廊又有龍女洞能興雲雨詩中噴字以平聲韻
空澗長江礙鐵圍高低行樹倚巖扉穿廊玉澗噴紅旭
踴墦金輪拆翠微草引風輕馴虎睡洞驅雲入毒龍歸
他生莫忘靈山別滿壁人名後會稀

奉和竇容州

明公莫訝容州遠一路瀟湘景氣濃斑竹初成二妃廟
碧蓮遙聳九疑峰禁林聞道長傾鳳池水那能久滯龍

自歎風波去無極不知何日又相逢

盧頭陀詩

并序

道泉頭陀字源一姓盧氏本名士衍弟曰起郎士
玟則官閥可知也少力學善記

一作能憶戡解職仕

不三十餘歷八諸侯府皆掌劇事性強邁不錄幽
瑣為吏所搆謫官建州無何有異人密授心契冥
失所在盧氏既為大門族兄弟且賢豪惶駭求索
無所得屑子某積歲窮盡荒僻一夕於衡山佛舍

衆頭陀中燈下識之號叫泣血無所顧然而先是
衆以為姜頭陀自是知其為盧頭陀矣爾後往來
湘潭間不常次舍祇以衡山為詣極元和九年張
中丞領潭之歲予拜張公於潭適上人在馬即日
詣所舍東寺一見蒙念不礙小劣盡得本末其事
列而序之仍以四韻七言為贈爾

盧師深話出家由剃盡心花始剃頭馬哭青山別車匿
鵲飛螺髻見羅睺還來舊日經過處似隔前身夢寐游

為向八龍兄弟說他生緣會此生休

醉別盧頭陀

醉迷狂象別吾師夢覺觀空始自悲
盡日笙歌人散後滿江風雨獨醒時
心超幾地行無處雲到何天住有期
頓見佛光身上出已蒙衣內綴摩尼

御定全唐詩卷四百十三

欽定四庫全書
蒼要卷一萬七千八百十九

集部

御定全唐詩卷四百十四

元稹

陪張湖南宴望岳樓稹為監察御史張中丞知

雜事

觀象樓前奉末班
絳峰只似殿庭間
今日高樓重陪宴
雨籠衡岳是南山

岳陽樓

岳陽樓上日銜窗影到深潭赤玉幢悵望殘春萬般意
滿櫺湖水入西江

寄庾敬休

小來同在曲江頭不省春時不共游今日江風好暄暖
可憐春盡古湘州

花栽二首

一作買
花栽

買得山花一兩栽離鄉別土易摧墮欲知北客居
南意看取南花北地來

一作
留

南花北地種應難
且向船中盡日看
縱使將來眼前死
猶勝拋擲在空欄

宿石磯

石磯江水夜潺湲
半夜江風引杜鵑
燈暗酒醒顛倒枕
五更斜月入空船

遭風二十韻

洞庭瀟灑接天迴
一點君山似措杯
暝色已籠秋竹樹
夕陽猶帶舊樓臺
湘南賈伴乘風信
夏口篙工厄汜洄

後侶逢灘方拽卷前宗到浦已眠桅俄驚四面雲屏合

坐見千峰雪浪堆罔象睢盱頻逞怪石尤翻動忽成災

勝凌豈但河宮溢塊軋渾憂地軸摧疑是陰兵致昏黑

果聞靈鼓借喧虺龍歸窟穴深潭漩蜃作波濤古岸墮

水一作木客暗遊燒野火楓人夜長吼春雷浸淫沙市兒

童亂汨沒汀洲雁驚哀自歎生涯看轉燭更悲商旅哭

沈財檣烏蚪折頭倉掉水狗斜傾尾纜開在昔詎慙橫

海志此時甘乏濟川才歷陽舊事曾為鼈鮐穴相傳有

化能閉目唯愁滿空電冥心真類不然灰那知否極休
徵至漸覺宵分曙氣催怪族潛收湖黯湛幽妖盡走日
崔嵬紫衣將校臨船問白馬君侯傍柳來喚上驛亭還
酩酊兩行紅袖拂樽壘

贈崔元儒

殷勤夏口阮元瑜二十年前舊飲徒最愛輕欺杏園客
也曾辜負酒家胡此此風景閒猶在事事顛狂老漸無
今日頭盤三兩擲翠娥潛笑白髭鬚

鄂州寓館嚴澗宅

時澗不在

鳳有高梧鶴有松，偶來江外寄行踪。
花枝滿院空啼鳥，塵榻無人憶卧龍。
心想夜閒唯足夢，眼看春盡不相逢。
何時最是思君處，月入斜窗曉寺鐘。

送杜元穎

江上五年同送客，與君長羨北歸人。
今朝又送君先去，千里洛陽城裏塵。

貽蜀五首

并序

元和九年蜀從事韋臧文告別蜀多朋舊稔性懶
為寒溫書因賦代懷五章而贈行亦在其數

病馬詩寄上李尚書

萬里長鳴望蜀門
病身猶帶舊瘡痕
遙看雲路心空在
久服鹽車力漸煩
尚有高懸雙鏡眼
何由竝駕兩朱轡
唯應夜識深山道
忽遇君侯一報恩

李中丞表臣

韋門同是舊親賓
獨恨潘牀簾有塵
十里花谿錦城麗

五年沙尾白頭新
倅戎何事勞專席
老掾甘心逐衆人
却待文星上天去
少分光影照沈淪

盧評事子蒙

為我殷勤盧子蒙
近來無復昔時同
懶成積疹推難動
禪盡狂心鍊到空
老愛早眠虛夜月
病妨杯酒負春風
唯公兩弟間相訪
往往潛然一望公

張校書元夫

未面西川張校書
書來稠疊頗相於
我聞聲價金應敵

衆道風姿玉不如遠處從人須謹慎少年為事要舒徐
勸君便是酬君愛莫比尋常贈鯉魚

韋兵曹臧文

處處侯門可曳裾人人爭事蜀尚書摩天氣直山曾拔
澈底心清水共虛鵬翼已翻君好去烏頭未變我何如
殷勤為話深相感不學馮諼待食魚

贈嚴童子

嚴司空孫字照郎十歲能賦詩
往往有奇句書題有成人風

衛瓘諸孫衛玠珍可憐雛鳳好青春解拈玉葉排新句

認得金環識舊身十歲佩觿嬌穉子八行飛札老成人
楊公莫訝清無業家有驪珠不復貧

桐孫詩

并序 此後元和十年詔召
入京及通判司馬以後作

元和五年予貶掾江陵三月二十四日宿曾峰館
山月曉時見桐花滿地因有八韻寄白翰林詩當
時草蹙未暇紀題及今六年詔許西歸去時桐樹
上孫枝已拱矣予亦白鬚兩莖而蒼然斑鬢感念
前事因題舊詩仍賦桐孫詩一絕又不知幾何年

復來商山道中元和十年正月題

去日桐花半桐葉別來桐樹老桐孫
城中過盡無窮事
白髮滿頭歸故園

西歸絕句十二首

雙堠頻頻減去程漸知身得近京城
春來愛有歸鄉夢
一半猶疑夢裏行

五年江上損客顏今日春風到武關
兩紙京書臨水讀

得復言
樂天書
小桃花樹滿商山

同歸諫院韋丞相

韋丞相貫之

共貶河南亞大夫

裴中丞度

今日

還鄉獨憔悴幾人憐見白髭鬚

韋丞相貫之裴中丞度

只去長安六日期多應及得杏花時春明門外誰相待

不夢閒人夢酒卮

白頭歸舍意如何賀處無窮弔亦多左降去時裴相宅

舊來車馬幾人過

裴相公均

還鄉何用淚沾襟一半雲霄一半沈世事漸多饒悵望

舊曾行處便傷心

閒遊寺觀從容到，遍問親知次第尋。
腸斷裴家光德宅，無人掃地戟門深。

一世營營死是休，生前無事定無由。
不知山下東流水，何事長須日夜流。

今朝西渡丹河水，心寄丹河無限愁。
若到莊前竹園下，殷勤為遶故山流。

丹浙莊
之東流

寒窗風雪擁深爐，彼此相傷指白鬚。
一夜思量十年事，

幾人強健幾人無。

宿實十二
藍田宅

雲覆藍橋雪滿溪須臾便與碧峰齊風回麴市連天合
凍壓花枝著水低

寒花帶雪滿山腰著柳冰珠滿碧條天色漸明回一望
玉塵隨馬度藍橋

留呈夢得子厚致用

題藍橋驛

泉溜才通疑夜磬燒去聲煙餘暖有春泥千層玉帳鋪松

蓋五出銀區印虎蹄暗落金烏山漸黑深埋粉堠路渾
迷心知魏闕無多地十二瓊樓百里西

小碎

小碎詩篇取次書等閒題柱意何如諸郎到處應相問

留取

一作與

三行代鯉魚

和樂天高相宅

莫愁已去無窮事漫苦如今有限身二百年來城裏宅
一家知換幾多人

和樂天仇家酒

病嗟酒戶年年減老覺塵機漸漸深飲罷醒餘更惆悵

不如閒事不經心

和樂天贈雲寂僧

欲離煩惱三千界不在禪門八萬條
心火自生還自滅雲師無路與君銷

澧西別樂天博載樊宗憲李景信兩秀才姪谷
三月三十日相餞送

今朝相送自同遊酒語詩情替別愁
忽到澧西總回去一身騎馬向通州

寄曇嵩寂三上人

長學對治思苦處偏將死苦教人間今因為說無生死
無可對治心更閒

題漫天嶺智藏師蘭若僧云住此二十八年

僧臨大道閱浮生來往憧憧利與名二十八年何限客
不曾閒見一人行

蒼溪縣寄揚州兄弟

蒼溪縣下嘉陵水入峽穿江到海流憑仗鯉魚將遠信

雁回時節到揚州

贈吳渠州從姨兄士則

憶昔分襟童子郎白頭拋擲又他鄉
三千里外巴南恨二十年前城裏狂
甯氏舅甥俱寂寞荀家兄弟半淪亡
淚因生別魚懷舊迴首江山欲萬行

長灘夢李紳

孤吟獨寢意千般合眼逢君一夜歡
慙媿夢魂無遠近不辭風雨到長灘

御定全唐詩卷四百十四

欽定四庫全書薈要卷一萬七千八百二十

集部

御定全唐詩卷四百十五

元稹

新政縣

新政縣前途月夜嘉陵江底看星辰已聞城上三更鼓
不見心中一箇人鬚鬢暗添巴路雪衣裳無復帝鄉塵
曾沾幾許名兼利勞動生涯涉苦辛

南昌灘

渠江明淨峽逶迤船到明灘拽碇遲櫓竅動搖妨作夢
巴童指點笑吟詩畬餘宿麥黃山腹日背殘花白水渚
物色可憐心莫恨此行都是獨行時

見樂天詩

通州到日日平西江館無人虎印泥忽向破簷殘漏處
見君詩在柱心題

夜坐

雨滯更愁南瘴毒月明兼喜北風涼古城樓影橫空館

濕地蟲聲遶暗廊
螢火亂飛秋已近
星辰早沒夜初長
孩提萬里何時見
狼籍家書滿臥牀

聞樂天授江州司馬

殘燈無焰影幢幢
此夕聞君謫九江
垂死病中驚坐起

一作仍
悵望

暗風吹雨

一作
面

入寒窗

歲日贈拒非

君思曲水嗟身老
我望通州感道窮
同入新年兩行淚

白頭翁

一作
閒

坐說域中

送盧戡

紅樹蟬聲滿夕陽
白頭相送倍相傷
老嗟去日光陰促
病覺今年晝夜長
顧我親情皆遠道
念君兄弟欲他鄉
紅旗滿眼襄州路
此別淚流千萬行

雨聲

風吹竹葉林還動
雨點荷心暗復明
曾向西江船上宿
慣聞寒夜滴蓬聲

奉和滎陽公離筵作

南郡生徒辭絳帳東山妓樂擁油旌鈞天排比簫韶待
猶顧人間有別情

嘉陵水

此後竝
通州詩

古時應是山頭水自古流來江路深若使江流會人意
也應知我遠來心

閬州開元寺壁題樂天詩

憶君無計寫君詩寫盡千行說向誰題在閬州東寺壁
幾時知是見君時

憑李忠州寄書樂天

萬里寄書將出峽却憑巫

冰一作

峽寄江州傷心最是江

頭月莫把書將上庾樓

得樂天書

遠信入門先有淚妻驚女哭問何如尋常不省曾如此
應是江州司馬書

寄樂天

無身尚擬魂相就身在那無夢往還直到他生亦相覓

不能空記

一作寄

樹中環

酬知退

終須修到無修處
聞盡聲聞始不聞
莫著妄心銷彼我
我心無我亦無君

通州

平生欲得山中住
天與通州遠郡山
睡到日西無一事
月儲三萬買教閒

酬樂天書後三韻

今日廬峰霞遠寺昔時鸞殿鳳迴書兩封相去八年後
一種俱云五夜初漸覺此生都是夢不能將淚滴雙魚

相憶淚

西江流水到江州聞道分成九道流我滴兩行相憶淚

遣君

一作君從

何處遣人求除非入海無由住縱使逢灘未

擬休會向伍員潮上見氣充頑石報心雙

喜李十一景信到

何事相逢翻有淚念君緣我到通州留君刺住君須住

我不自由君自由

與李十一夜飲

寒夜燈前賴酒壺與君相對興猶孤
忠州刺史應閒臥
江水猿聲睡得無

贈李十一

淮水連年起戰塵
油旌三換一何頻
共君前後俱從事
羞見功名與別人

寒食日

今年寒食好風流此日一家同出游碧水青山無限思

莫將心道是涪

一作州通

三兄以白角巾寄遺髮不勝冠因有感歎

病瘴年深渾禿盡那能勝置角頭巾暗梳蓬髮羞臨鏡
私戴蓮花恥見人白髮過於冠色白銀釘少校領中銀
我身四十猶如此何況吾兄六十身

別李十一五絕

巴南分與親情別不料與君牀竝頭為我遠來休悵望

折君災難是通州

京城每與閒人別，猶自傷心與白頭。
今日別君心更苦，別君緣是在通州。

萬里尚能來遠道，一程那忍便分頭。
烏籠猿檻君應會，十步向前非我州。

來時見我江南岸，今日送君江上頭。
別後料添新夢寐，虎驚蛇伏一作亂是通州。

聞君欲去潛銷骨，一夜暗添新白頭。
明朝別後應腸斷

獨櫂破船歸到州

酬樂天醉別

前回一去五年別，此別又知何日回。
好住樂天休悵望，匹如元不到京來。

酬樂天雨後見憶

雨滑危梁性命愁，差池一步一生休。
黃泉便是通州郡，漸入深泥漸到州。

和樂天過祕閣書省舊廳

聞君西省重徘徊
祕閣書房次第開
壁記欲題三漏合
吏人驚問十年來
經排蠹簡憐初校
芸長陳根識舊栽
司馬見詩心最苦
滿身蚊蚋哭

一作笑

煙埃

和樂天贈楊秘書

舊與楊郎在帝城
搜天斡地覓詩情
曾因竝句甘稱小
不為論年便喚兄
刮骨直穿由一作猶
苦鬪夢腸翻出暫
閒行因君投贈還
相和老去那能競
底名

和樂天題王家亭子

風吹筍箨飄紅砌
雨打桐花蓋綠莎
都大資人無暇日
泛池全少買池多

酬樂天頻夢微之

山水萬重書斷絕
念君憐我夢相聞
我今因病魂顛倒
唯夢閒人不夢君

琵琶

學語胡兒撼玉玲
甘州破裏最星星
使君自恨常多事
不得工夫夜夜聽

春詞

山翠湖光似欲流
蜂聲鳥思却堪愁
西施顏色今何在
但看春風百草頭

御定全唐詩卷四百十五

欽定四庫全書薈要卷一萬七千八百二十一

集部

御定全唐詩卷四百十六

元稹

酬樂天春寄微之

鸚心明黠雀幽蒙何事相將盡入籠君避海鯨驚浪裏
我隨巴蟒瘴煙中千山塞路音書絕兩地知春歷日同
一樹梅花數升酒醉尋江岸哭東風

酬樂天舟泊夜讀微之詩

知君暗泊西江岸，讀我閒詩欲到明。
今夜通州還不睡，滿山風雨杜鵑聲。

酬樂天武關南見微之題山石榴花詩

比因酬贈為花時，不為君行不復知。
又更幾年還共到，滿牆塵土兩篇詩。

酬樂天見寄

三千里外巴蛇穴，四十年来司馬官。
瘴色滿身治不盡，瘡痕刮骨洗應難。
常甘人向衰容薄，獨訝君將舊眼看。

前日詩中高蓋字至今脣舌遍長安

酬樂天得禎所寄紵絲布白輕庸製成衣服以
詩報之

湓城萬里隔巴庸紵薄縑輕共一封腰帶定知今瘦小
衣衫難作遠裁縫唯愁書到炎涼變忽見詩來意緒濃
春草綠茸雲色白想君騎馬好儀容

和樂天尋郭道士不遇

昔常為僧於
荊州相別

昔年我見杯中渡今日人言鶴上逢兩虎定隨千歲鹿

雙林添作幾株松方瞳應是新燒藥短脚知緣舊施春
為僧時先欲請僧繇遠相畫苦愁頻變本形容
有脚疾

酬樂天寄生衣

秋茅處處流痰瘧夜鳥聲聲哭瘴雲羸骨不勝纖細物
欲將文服却還君

酬樂天得微之詩知通州事因成四首

茅簷屋舍竹籬州虎怕偏蹄蛇兩頭

通州元和二年偏蹄虎害人比之白

額兩頭蛇處處皆有之也

暗蠱有時迷酒影浮塵向日似波流沙含

水弩多傷骨田仰畬刀少用牛知得共君相見否近來
魂夢轉悠悠

平地才應一項餘閣欄都大似巢居

巴人多在山坡架木為居自號閣欄

也頭入衙官吏聲疑鳥下峽舟船腹似魚市井無錢論尺

丈田疇付火罷耘鋤此中愁殺須甘分惟惜平生舊著

書

本句云努力安心過三考已曾愁殺李尚書又予病甚將平生所為文自題云異日送白二十二郎也

哭烏晝飛人少見
依魂夜嘯虎行多
滿身沙虱無防處
獨脚山魃不奈何
甘受鬼神侵骨髓
常憂岐路處風波

南歌未有東西分敢唱滄浪一字歌

本句云時時三唱濯纓歌

荒蕪滿院不能鋤甌有塵埃圃乏蔬定覺身將囚一種
未知生共死何如飢搖困尾喪家狗熱暴枯鱗失水魚
苦境萬般君莫問自憐方寸本來虛

酬樂天聞李尚書拜相以詩見賀

初因彈劾死東川又為親情弄化權

予為監察御史劾奏故東川節度使

服職藉沒衣冠等八十餘家由是操權者大怒分司東臺日又劾奏宰相親因緣遂收江陵士曹耳百口

共經三峽水一時重上兩漫天尚書入用雖旬月司馬

銜冤已十年若待更遭秋瘴後便愁平地有重泉

酬樂天歎窮愁見寄

病煎愁緒轉紛紛百里何由說向君老去心情隨日減
遠來書信隔年聞三冬有電連春雨九月無霜盡火雲
併與巴南終歲熱四時誰道各平分

酬樂天三月三日見寄

當年此日花前醉今日花前病裏銷獨倚破簾間悵望
可憐虛度好春朝

酬樂天歎損傷見寄

前途何在轉茫茫，漸老那能不自傷。
病為怕風多睡月，起因花一作行藥暫扶牀。
函關氣索迷真侶，峽水波翻礙故鄉。
唯有秋來兩行淚，對君新贈遠詩章。

瘴塞

瘴塞巴山哭鳥悲，紅妝少婦斂啼眉。
殷勤奉藥來相勸，云是前年欲病時。

紅荊

庭中栽得紅荆樹十月花開不待春直到
孩提盡驚怪
一家同是北來人

黃草峽聽柔之琴二首

胡笳夜奏塞聲寒是我鄉音聽漸難
料得小來辛苦學
又因知向峽中彈

別鶴淒清覺露寒離聲漸咽命維難
憐君伴我涪州宿
猶有心情徹夜彈

書劍

渝工劔刃皆歐冶
巴吏書蹤盡子雲
唯我心知有來處
泊船黃草夜思君

內狀詩寄楊白二員外

時知制誥

天門暗闢玉瑋鉤
畫送中樞曉禁清
彤管內人書細膩
金奩御印篆分明
衝街不避將軍令
跋勅兼題宰相名
南省郎官

一作中

誰待詔與君將
向世間行

別穀郎

此後三首工部侍郎時詩

爾爺只為一杯酒
此別那知死與生
兒有何辜才七歲

亦教兒作瘴江行

愛惜爾爺唯有我我今顛顛望何人傷心自比籠中鶴

翦盡翅

一作羽

翎愁到身

自責

犀帶金魚束紫袍不能將命報分毫他時得見牛常侍
為爾君前捧佩刀

送公度之福建

此後並同州刺史時作

棠陰猶在建溪

一作康

磯此去那論是與非若見白頭須

盡敬恐曾江岸識胡威

喜五兄自泗州至

眼中三十年来淚一望南雲一度垂
慚媿臨淮李常侍
遠教形影暫相隨

杏花

常年出入右銀臺每怪春光例早回
慚媿杏園行在景
同州園裏也先開

第三歲日詠春風憑楊員外寄長安柳

三日春風已有情，拂人頭面稍憐輕。
殷勤為報長安柳，莫惜枝條動軟聲。

贈別楊員外巨源

憶昔西河縣下時，青山顛顛宦名卑。
揄揚陶令緣求酒，結託蕭娘只在詩。
朱紫衣裳浮世重，蒼黃歲序長年悲。
白頭後會知何日，一盞煩君不用辭。

寄樂天二首

榮辱升沈影與身，世情誰是舊雷陳。
唯應鮑叔猶憐我

自保曾參不殺人
山入白樓沙苑暮
潮生滄海野塘春
老逢佳景唯惆悵
兩地各傷何限神

論才賦命不相干
鳳有文章雉有冠
羸骨欲銷猶被刻
瘡痕未沒又遭彈
劔頭已折藏須蓋
丁字雖剛屈莫難
休學州前羅剎石
一生身敵海波瀾

聽妻彈別鶴操

別鶴聲聲怨夜弦
聞君此奏欲潛然
商瞿五十知無子
更付琴書與仲宣

和王侍郎酬廣宣上人觀放牘後相賀

渥洼徒自有權奇伯樂書名世始知競走牆前希得儻
高縣日下表無私都中紙貴流傳後海外金填姓字時

珍重劉繇因首薦

進士李景述以
同判解頭及第

為君送和碧雲詩

御定全唐詩卷四百十六

欽定四庫全書蒼要卷一萬七千八百二十二

集部

御定全唐詩卷四百十七

元稹

酬樂天喜鄰郡

此後並越州酬和
並各次用本韻

蹇驢瘦馬塵中伴
紫綬朱衣夢裏身
符竹偶因成對岸
文章虛被配為鄰
湖翻白浪常看雪
火照紅妝不待春
老大那能更爭競
任君投募醉鄉人

再酬復言和前篇

經過二郡逢賢牧聚集諸郎宴老身清夜漫勞紅燭會
白頭非是翠娥鄰曾攜酒伴無端宿自入朝行便別春
潦倒微之從不占未知公議道何人

贈樂天

莫言鄰境易經過彼此分符欲奈何垂老相逢漸難別
白頭期限各無多

重贈

樂人商玲瓏能
歌歌子數十詩

休遣玲瓏唱我詩我詩多是別

一作寄

君詞明朝又向江

頭別月落潮平是去時

別後西陵晚眺

晚日未拋詩筆硯夕陽空望郡樓臺與君後會知何日
不似潮頭暮却迴

以州宅夸於樂天

州城迴遠拂雲堆鏡水稽山滿眼來四面常時對屏障
一家終日在樓臺星河似向簷前落鼓角驚從地底迴
我是玉皇香案吏謫一作降居猶得住蓬萊

重夸州宅旦暮景色兼酬前篇末句

仙都難畫亦難書暫合登臨不合居
繞郭煙嵐新雨後滿山樓閣上燈初
人聲曉動千門闕湖色宵涵萬象虛
為問西州羅刹岸濤頭一作風波衝突近何如

酬樂天吟張員外詩見寄因思上京每與樂天
於居敬兄升平里詠張新詩

樂天書內重封到居敬堂前共讀時
四友一為泉路客三人兩詠浙江詩
別無遠近皆難見老減心情自各知

杯酒與他年少隔不相酬贈欲何之

寄樂天

閒夜思君坐到明
追尋往事倍傷情
同登科後心相合
初得官時鬢未生
二十年来諳世路
三千里外老江城
猶應更有前途在
知向人間何處行

戲贈樂天復言

此後三篇同韻

樂事難逢歲易徂
白頭光景莫令孤
弄濤船更曾觀否

望市

望市樓蘇之勝地也

樓還有會無眼力少將尋案牘
心情且

強擲臬盧孫園虎寺隨宜看不必遙遙羨鏡湖

重酬樂天

紅塵擾擾日西徂我興雲心兩共孤暫出已遭千騎擁
故交求見一人無百篇書判從饒白八米詩章未伏盧
最笑近來黃叔度自投名刺占陂湖

再酬復言

統郭笙歌夜景徂稽山迴帶月輪孤休文欲詠心應破
道子雖來畫得無顧我小才同培塿知君險鬪敵都盧

不然豈有姑蘇郡擬著陂塘比鏡湖

郡務稍簡因得整比舊詩并連綴焚削封章繁
委篋笥僅逾百軸偶成自歎因寄樂天

近來章奏小年詩一種成空盡可悲書得眼昏朱似碧
用來心破髮如絲催身易老緣多事報主深恩在幾時
天遣兩家無嗣子欲將文集與它誰

酬樂天餘思不盡加為六韻之作

律呂同聲我爾

一作受

身文章君是一伶倫衆推賈誼為

才子帝喜相如作侍臣

樂天先有秦中吟及百節判皆為書肆市賈題其卷云白才子

文章又樂天知制誥詞云覽其詞賦喜與相如並處一時

次韻千言曾報答

樂天曾寄子千

字律詩數首子皆次用本韻酬和後來遂以成風耳

直詞三道共經綸

樂天與子同應制科

並求前輩切直詞策以盡經邦之術其事已具之字詩註中爾

元詩駁雜真難辨

後輩好偽

作子詩傳流諸處自到會稽已有人寫宮詞百篇及雜詩兩卷皆云是予所撰及手勳驗無一篇是者

白

撲流傳用轉新

樂天於翰林中書取書詔批荅詞等撰為程式禁中號曰白撲每有新入學士

求訪寶重過於六典也

蔡女圖書雖在口

蔡琰口誦家書四百餘篇

于公門戶

豈生塵

樂天常贈子詩云其心如肺石動必達窮民東川八十字寃憤一言中因感無兒之歎故子自

有此句

商瞿未老猶希冀莫把贏金便付人

寄樂天

莫嗟虛老海壖西天下風光數會稽
靈汜橋前百里鏡石帆山嶠五雲溪
冰銷田地蘆錐短春入枝條柳眼低
安得故人生羽翼飛來相伴醉如泥

酬樂天雪中見寄

知君夜聽風蕭索曉望林亭雪半糊
撼落不教封柳眼掃來偏盡附梅株
敲扶密竹枝猶亞煦暖寒禽氣漸蘇

坐覺湖聲迷遠浪回驚雲路在長途錢塘湖上蘋先合
梳洗樓前粉暗鋪石立玉童披鶴氅臺施瑤席換龍鬚
滿空飛舞應為瑞寡和高歌只自娛莫遣擁簾傷思婦
且將盈尺慰農夫稱觴彼此情何異對景東西事有殊
鏡水遼山山盡白琉璃雲母世間無

和樂天早春見寄

雨香雲澹覺微和誰送春聲入櫂歌萱近北堂穿土早
柳偏東面受風多湖添水色

一作

消殘雪江送潮頭湧

漫波同受新年不同賞無由縮地欲如何

酬復言長慶四年元日郡齋感懷見寄

臘盡殘銷春又歸逢新別故欲沾衣自驚身上添年紀
休繫心中小是非富貴祝來何所遂聰明鞭得轉無機
祝富貴鞭聰明皆羞看稚子先拈酒悵望平生舊採薇
正旦童稚俗法

去日漸加餘日少賀人雖鬧故人稀椒花麗句閑重檢
艾髮衰容惜寸輝苦思正旦酬白雪閒觀風色動青旂
千官伏下爐煙裏東海西頭意獨違

休繫一作休較
正旦一作正朝

代郡齋神荅樂天

虛白堂神傳好語二年長伴獨吟時
夜憐星月多離燭日滉波濤一下帷
為報何人償酒債引看牆上使君詩

酬樂天重寄別

却報君侯聽苦辭
老頭拋我欲何之
武牢關外雖分手
不似如今衰白時

和樂天重題別東樓

山容水態使君知
樓上從容萬狀移
日映文章霞細麗

風驅鱗甲浪參差鼓催潮戶凌晨擊笛賽婆官徹夜吹
喚客潛揮遠紅袖賣壚高掛小青旗騰鋪牀席春眠處
乍捲簾帷月上時光景無因將得去為郎抄在和郎詩
餘杭周從事以十章見寄詞調清婉難於遍酬
聊和詩首篇以荅來貺

擾擾紛紛旦暮間經營閒事不曾閒多緣老病推辭酒
少有功夫久羨山清夜笙歌喧四郭黃昏鐘漏下重關
何由得似周從事醉入人家醒始還

寄浙西李大夫四首

柳眼梅心漸欲春，白頭西望憶何人。
金陵太守曾相伴，共蹋銀臺一路塵。

藥珠深處少人知，網索西臨太液池。
浴殿曉聞天語後，

步廊騎馬笑相隨。

網索在太液上學士候對歇于此

禁林同直話交情，無夜無曾不到明。
最憶西樓人靜夜，

玉晨鐘磬兩三聲。

玉晨觀在紫宸殿後面也

由來鵬化便圖南，浙右雖雄我未甘。
早渡西江好歸去，

莫拋舟楫滯春潭

初除浙東妻有阻色因以四韻曉之

嫁時五月歸巴地今日雙旌上越州興慶首行千命婦

予在中書日妻以郡君朝
太后於興慶宮猥為班首會稽旁帶六諸侯海樓翡翠

閒相逐鏡水鴛鴦煖共遊我有主恩羞未報君於此外
更何求

為樂天自勘詩集因思頃年城南醉歸馬上遞
唱豔曲十餘里不絕長慶初俱以制誥侍宿南

郊齋宮夜後偶吟數十篇兩掖諸公泊翰林學
士三十餘人驚起就聽逮至卒吏莫不衆觀羣
公直至侍從行禮之時不復聚寐予與樂天吟
哦竟亦不絕因書於樂天卷後越中冬夜風雨
不覺將曉諸門互啓闔鎖即事成篇

春野醉吟十里程齋宮潛詠萬人驚今宵不寐到明讀
風雨曉聞開鎖聲

題長慶四年歷日尾

殘歷半張餘十四灰心雪鬢兩悽然定知新歲御樓後
從此不名長慶年

御定全唐詩卷四百十七